

# Akademija socijalnog preduzetništva

---

U OKVIRU PROJEKTA “AGENDA ZA SOCIJALNO PREDUZETNIŠTVO”

Organizator Akademije socijalnog preduzetništva

CDP “GLOBUS” | [WWW.CDPGLOBUS.COM](http://WWW.CDPGLOBUS.COM)

UZ PODRŠKU AMBASADE KRALJEVINE HOLANDIJE U BIH

Imate li inovativnu ideju kojom želite doprinijeti smanjenju nezaposlenosti i socijalne isključenosti u Bosni i Hercegovini? Želite li pokrenuti socijalno preduzeće? Razvijate li aktivnosti socijalnog preduzetništva u okviru Vaše organizacije? Želite li steći ili proširiti znanja o socijalnom preduzetništvu? Prijavite se na Akademiju socijalnog preduzetništva.



#### **UKRATKO O AKADEMIJI SOCIJALNOG PREDUZETNIŠTVA**

Akademija je neformalni edukativni program kojim želimo osnažiti postojeće i potencijalne socijalne preduzetnike i socijalna preduzeća u BiH. Organizator Akademije socijalnog preduzetništva je Centar za razvoj društvenog preduzetništva "Globus" u okviru projekta Agenda za socijalno preduzetništvo, koji je podržan od Ambasade Kraljevine Holandije u BiH. Cilj projekta je poboljšanje prilika za zapošljavanje i socijalno uključivanje marginalizovanih osoba (prvenstveno osoba sa invaliditetom i mladih) kroz promociju i razvoj socijalnog preduzetništva. Akademija socijalnog preduzetništva je izvrsna prilika za jačanje kapaciteta za učesnike koji imaju interesovanja i za apliciranje na sredstva Fonda za razvoj socijalnog preduzetništva, koji će biti realizovan u narednim fazama projekta pod uslovima i kriterijima koji će biti precizirani posebnim javnim pozivom.

#### **KO SE MOŽE PRIJAVITI ZA UČEŠĆE NA AKADEMIJI?**

Ovaj poziv je namijenjen:

- Mladima,
- Osobama sa invaliditetom,
- Aktivistima organizacija civilnog društva koji se bave pitanjima socijalne inkluzije i razvoja,
- Predstavnicima socijalnih preduzeća.

Za učešće na Akademiji prijaviti se mogu osobe/predstavnici navedenih organizacija s područja cijele Bosne i Hercegovine.

#### **SADRŽAJ I DINAMIKA ODRŽAVANJA AKADEMIJE**

Akademija se sastoji od 3 dijela/modula koja će biti realizovana u periodu mart-april 2020. godine.

Planirani datumi održavanja modula su:

1. Modul 20-21.03.2020. godine
2. Modul 03-04.04.2020. godine
3. Modul 24-25.04.2020. godine

Akademija će obuhvatiti sljedeće teme/sadržaje:

- Koncept socijalnog preduzetništva,
- Trendovi i izazovi u socijalnom preduzetništvu;
- Pravni okvir u oblasti socijalnog preduzetništva;
- Fondovi za socijalno preduzetništvo, uključujući crowdfunding;
- Mogućnosti zapošljavanja mladih i osoba sa invaliditetom;
- Inovativne prakse i modeli - primjeri dobre prakse;
- Poslovno planiranje socijalno preduzetničkih poduhvata, itd.

Predavači će biti vrhunski stručnjaci sa dokazanim iskustvima u oblastima koje su obuhvaćene programom Akademije.

Planirane lokacije za održavanje Akademije su Banja Luka, Tuzla i/ili Dobož. Odabrani učesnici će blagovremeno dobiti sve potrebne informacije i detalje u vezi sa održavanjem Akademije.

### **NA KOJI NAČIN ĆE BITI PODRŽANO UČEŠĆE NA AKADEMIJI?**

U skladu sa finansijskim okvirima projekta, organizator – CDP „Globus“ će snositi troškove noćenja (1 noćenje po modulu), ručka, večere i osvježenja u skladu sa okvirom programa Akademije i troškove prevoza za odabrane učesnike Akademije. Pokriće troškova noćenja i prevoza se odnosi samo na učesnike koji žive/borave van mjesta održavanja Akademije. **Odabir učesnika Akademije vršiće se na osnovu analize prijava i to prvenstveno analize iskazane motivisanosti i racionalnosti putnog troška u prijavnim obrascima.** Putni troškovi će se nadoknaditi samo onim učesnicima koji su učestvovali na svim modulima, odnosno učestvovali tokom cjelokupnog trajanja Akademije.

### **DO KADA SE MOŽETE PRIJAVITI ZA UČEŠĆE NA AKADEMIJI?**

Prijavu za učešće na Akademiji možete izvršiti dostavljanjem popunjenog prijavnog obrasca (u prilogu ovog poziva) na e-mail: [cdpglobus@gmail.com](mailto:cdpglobus@gmail.com) do 08.03.2020. godine. Prijave koje budu zaprimljene poslije navedenog roka za apliciranje neće biti razmatrane.

### **DODATNE INFORMACIJE**

Za dodatna pitanja stojimo Vam na raspolaganju putem e-mail-a [cdpglobus@gmail.com](mailto:cdpglobus@gmail.com) (do isteka roka za prijavu).